


АКАДФИСТ



Святому праведному
Иоанну Оленевскому Чудотворцу

Кондак 1

Избранный угодниче Христов, теплый молитвенниче и предивный исповедниче, отче наш Иоанне, измлада возлюбивый житие нескверное, подвиг взем печальника земли нашея, и веру Христову исповеда небоязненно, явился еси чудотворец превизряднейший, подая всем страждущим исцеление и утешение. Мы же, недостойнии, пение хвалебное во умилении сердец приносим ти: Радуйся, отче наш Иоанне, теплый молитвенниче и предивный чудотворче.

Икос 1

Равноангельного жития возжелал еси с лет юных, отче праведне Иоанне, постом и молитвою предуготовля всего себе служению Господеви, явил еси душу свою яко обитель святую для печальных сирот и вдовиц, заступая и наставляя на путь спасения к тебе притекающих. Мы же, зряще тя, яко пастыря доброго, от Бога нам дарованного, умильно вопием ти:

Радуйся, прежде рождения иноцеми предреченный.

Радуйся, проречение: Сей велий воистину посрede верных будет, - житием своим исполнивый.

Радуйся, постом и молитвою душу свою яко святую обитель скорбящих ради уготовавый.

Радуйся, нищету духовную паче сладостей мира возлюбивый.

Радуйся, в молитве ко Господу день и нощь отро-

ком проводил еси.

Радуйся, нерадивых в храм святый ходити вра-
зумлял еси.

Радуйся, измлада в храме усердно служивый.
Радуйся, сиротам и вдовицам милости неоскудева-
мая подававый.

Радуйся, отче наш Иоанне, теплый молитвенниче
и предивный чудотворче.

Кондак 2

Видяще лютый враг рода человеческаго житие
твое святое, отче наш Иоанне, непрестанно деяху-
ти пакости, во еже озлобити сродники на тя, и тии
изгоняху тя и приюта не даяху. Ты же бе подобие
Саровскому чудотворцу, за обидящих молился еси,
воспевая благодаряще Богу: Аллилуиа.

Икос 2

Ум имея богопросвещенный, прошел еси весь
путь скорбнаго подвижническаго жития: поста, бде-
ния нощнаго и слез неоскудных. Странен бе сам
и прият сироту отрока, наставлял еси его, питая
трудами своими. Темже и мы вси, таковому твоему
милосердию дивящеся, вопием ти:

Радуйся, житием своим преславным Богу угоди-
вый.

Радуйся, любовию Христовою козни диавольских
победивый.

Радуйся, крестным знамением смертную язву

врачевавый.

Радуйся, о ненавидящих и гонящих усердно к Богу взывавый.

Радуйся, словами: Бог с ними, - раняющих тя, кротко прощал еси.

Радуйся, о всем мире в молитве пламенней слезы проливал еси.

Радуйся, неоскудеваемую милость к отроку-сироте показавый.

Радуйся, от трудов своих неимущим щедро подававый.

Радуйся, отче наш Иоанне, теплый молитвенниче и предивный чудотворче.

Кондак 3

Сила Вышняго просвети душевная очеса твоя, блаженне Иоанне, внегда смиренно познал еси волю Господню, приучаясь измлада житию строгому, оставив прелесть мира сего, непрестанно помышляя о небеснем и взывая Богу: Аллилуия.

Икос 3

Имущи ревность Божию измлада и Божий глаголы памятуя: Идеже бо еста два или трие собрани во Имя Мое, ту есмь посреде их, - ты, отче Иоанне, егда бе отрок мал, ходити в Церковь Божию люди призывал еси. Мы же, благодаряще Бога, воспеваем ти:

Радуйся, смиренномудрие с юных лет стяжавый.

Радуйся, непрестанным подвигом великим угодником подражавый.

Радуйся, волю Господню смиренно в себе познавый.

Радуйся, Господа ради постное житие возлюбивый.

Радуйся, вся красная мира сего ни во что же вменивый.

Радуйся, все упование на Бога от юности возложивый.

Радуйся, благую любовь к храму Божию присно имел еси.

Радуйся, пением сладостотворным молящихся услаждал еси.

Радуйся, отче наш Иоанне, теплый молитвенниче и предивный чудотворче.

Кондак 4

Бури жития мира сего присноволнувшагося избегая, в чащи лесныя удалялся, сокрываля еси себе, святе Иоанне, и тамо ум свой в горняя возводя, возлюбил еси в молитве сладость и упокоение, взывая к Богу: Аллилуиа.

Икос 4

Слышаще и видяще святое житие твое, святе Иоанне, близкий и дальний удивляхуся тебе, и приходяще к тебе, поучахуся о словесех твоих и сове-

тех, славяще Господа, дивнаго во святых Своих. И мы вси с верою и любовию восхваляем тя, праведне Иоанне, и вопием ти сице:

Радуйся, яко подвигами и чудесы твоими землю нашу облагоухавый.

Радуйся, всем сердцем благодать Христову стяжавый.

Радуйся, житием своим Саровскому чудотворцу подражавый.

Радуйся, сладость райскую в молитве пламенней взыскавый.

Радуйся, ум свой в горняя усердно вперявый.

Радуйся, подвиги твоя от взора людского укрывавый.

Радуйся, в искушениях к Богу непрестанно взызвавый.

Радуйся, в бедах и скорбех все упование на Него возлагавый.

Радуйся, отче наш Иоанне, теплый молитвенниче и предивный чудотворче.

Кондак 5

Божественного Духа преисполнен был еси, святый праведный Иоанне, добродетельного ради жития твоего, зане кроток, милостив, девственен, чист сердцем, терпелив зело, непамятозлобив был еси: сего ради Творец и в чудесех преславно показа тя. Мы же, прославляя Бога, прославльшаго тя, вопием Ему: Аллилуia.

Икос 5

Видя враг рода человече чистое и святое житие твое, святе Иоанне, наводя на тя люди злы, иже беззаконно истязаху тя и еле жива суща оставляху. Ты же, святый отче, яко агнец кроток вся терпел еси, за обидающих тя Господеви моляся. Темже мы вси, таковому твоему незлобию дивящеся, вопием ти:

Радуйся, в кротости и смирении твоем Христу Богу подражавый.

Радуйся, незлобием твоим духа злобы победивый.

Радуйся, целителю скорый и в бедах помощниче предивный.

Радуйся, прикосновением руки твоей духа злобы изгнавый.

Радуйся, помазанием елея раны страждущим исцелил еси.

Радуйся, множеством чудес Господа в житии своем прославил еси.

Радуйся, постом и молитвою бе светильник неугасимый.

Радуйся, Духом Святым во вся дни жития твоего водимый.

Радуйся, отче наш Иоанне, теплый молитвенниче и предивный чудотворче.

Кондак 6

Проповедует земля Пензенская подвиги и труды твоя, богоносне отче наш Иоанне: велие пощение,

молитвы деннонощныя, смиление и терпение до-
стохвальныя, сего ради явился еси земли Руссия
прозябение многоплодное дарами Духа Святаго,
Егоже действием многая и чудное совершил еси,
подвизая верных воспевати Богу: Аллилуиа.

Икос 6

Возсия душа твоя в мире горнем по отшествии
твоем, святче Божий Иоанне, идеже Мирликийский
чудотворец Николай и Серафим Саровский со ине-
ми святыми молят Бога за ны. Мы же, радуяся тако-
вому о тебе Божию Промышлению, с любовию вопи-
ем ти:

Радуйся, в подвихах дивных чудотворцем вели-
ким поревновавый.

Радуйся, в видении с угодниками Божиими в ри-
зах равных стоявый.

Радуйся, паству Пензенскую с любовию ревност-
но окормлял еси.

Радуйся, грядущее, яко настоящее провещавал
еси.

Радуйся, притекавших к тебе на путь спасения
направлял еси.

Радуйся, погибающих в пучине греховней молит-
вою спасал еси.

Радуйся, Промыслу Божию веровати малодуш-
ных утверждал еси.

Радуйся, грешников ко исправлению чрез покая-
ние возрождал еси.

Радуйся, отче наш Иоанне, теплый молитвенниче

и предивный чудотворче.

Кондак 7

Хотяшу врагу спасения рода человеча истребити веру Православную в земли Руссия, воздвижетя Господь, отче праведне, во утверждение верным, яко столпа веры неколебима и исповедника преславна. Темже толицем в вере стоянием твоим утверждени, Подвигоположнику Христу Богу вопием: Аллилуя.

Икос 7

Новаго видяще тя исповедника Христова, издалеча притекаху к тебе верни и в скорбех и гонениих, ты же неустрашимо исповедал еси веру Христову даже до уз темничных, отче наш Иоанне, и явил себе образ жития и правило веры пастве твоей. Темже ублажая тя, взываем сице:

Радуйся, за веру Христову гонимый.

Радуйся, узы темничныя за Господа с радостию приемый.

Радуйся, раны и заущения смиленно претерпевый.

Радуйся, исповедниче Христов, богомудрый и прозорливый.

Радуйся, кротостию своею силу вражию разрушилый.

Радуйся, адаманте веры несокрушимый.

Радуйся, исповедниче славный и неустрашимый.

Радуйся, столпе Православия непоколебимый.

Радуйся, отче наш Иоанне, теплый молитвенниче и предивный чудотворче.

Кондак 8

Странное чудо видим на тебе, святче праведне, всегда стреляху в тя богооборцы, ты же цел бе и невредим, амалика богооборнаго побеждая и Господеви поя: Аллилуиа.

Икос 8

Весь бе в вышних, исповедниче Христов Иоанне, в дольнем же мире гонения претерпевая, со избранными Божиими взывал еси ко Господу: Тебе ради умерщвляемся весь день, вменихомся яко овцы заколения. Сего ради, укрепляемии твоим терпением, взываем ти:

Радуйся, брань лютую от злых людей приемый.

Радуйся, немощныя люди в заточении укрепи-
вый.

Радуйся, на вопрошение палачей кротко отвеща-
вый.

Радуйся, стражнику единому кончину внезапную предсказавый.

Радуйся, терпением дивным безбожныя порази-
вый.

Радуйся, в мучениих тя паки невредима Господь сохранивый.

Радуйся, яко от убивающих тя невредимо сохра-

нился еси.

Радуйся, чудо велие при мучении огненнем показал еси.

Радуйся, отче наш Иоанне, теплый молитвеннический и предивный чудотворче.

Кондак 9

Все еество Ангельское удивися высоте служения твоего во тьме неверия, отче Иоанне. Ты же бысть нам яко светило незаходимое, землю нашу чудесы многими озаряюще, восприял еси позор, и унижение, и исповедание за Христа, победно взывая Богу: Аллилуиа.

Икос 9

Витийство всякое земнородных не может достойно восхвалити тя, отче наш Иоанне, предал бо еси всего себе на служение всем, приходящим к тебе, и сего ради люто мучим бысть от людей злых, егда тя вязаху пеленою и с брега бросаху в реку нощию, но Господь тя здравым сохранил есть. Посему мы достойную похвалу приносим ти сице:

Радуйся, лучами чудес твоих бурю зол отгнавый.

Радуйся, лишения темничныя мужественно претерпевый.

Радуйся, день и нощь за врагов молитву возносиый.

Радуйся, позор и унижение яко славу воина Христова приявый.

Радуйся, мученическое исповедание Господа ради явивый.

Радуйся, во времена оскудения веры от Бога не отступивый.

Радуйся, храм души ересию не осквернивый.

Радуйся, в пучине испытаний веру сохраняти научивый.

Радуйся, отче наш Иоанне, теплый молитвенниче и предивный чудотворче.

Кондак 10

Спасительного подвига страдальче достигл еси изрядно пред честною кончиною твою, егда в Четыредесятницу Святую едину просфору в день вкуша-ше и токмо святой водою мало запиваše; диавол же отомстиша ти, наведе на тя люди, иже беззаконно мучаше тя и едва жива суща оставиша. Ты же, яко агнец кроток, претерпел еси вся, за обидящих тя моляся Богу, воспевая: Аллилуиа.

Икос 10

Стена еси всем Христианом, к заступлению тво-ему притекающим, Христолюбче отче наш Иоанне, являешися. Помози нам, грешным, да принесем плод покаяния и научи нас памятовать во вся дни последняя своя, сам бо, провидев кончину свою, многолетно хождаше на место упокоения земнаго и песни исходный по себе пояше. Мы же, любовиу-

подвизаемии, дерзаем пети тебе сице:

Радуйся, ангельское житие в бреннем телеси явивый.

Радуйся, великий постниче, Богу от юности послуживый.

Радуйся, яко благоухание от тебе в житии и успении исходаше.

Радуйся, до отшествия своего на место покоя песни исходныя пети хождаше.

Радуйся, видения преподобного Серафима сподобился еси.

Радуйся, люди многия от пути гибельного отвратил еси.

Радуйся, о спасении России слезно Бога молил еси.

Радуйся, светильниче, землю Пензенскую паче солнца осветил еси.

Радуйся, отче наш Иоанне, теплый молитвенниче и предивный чудотворче.

Кондак 11

Пение благодарственное непрестанно возносил еси Творцу, угодниче Божий, всем житием твоим и исповедничеством за Христа чудотворец велий явился еси, и по кончине твоей солнце взыграху и небеса радугой облисталуся, преславных мощей твоих явление запечатлеша. Мы же, с радостию лобызая их, вопием Богу: Аллилуя.

Икос 11

Светозарное светило в земле Пензенской благодатию и чудесами быв в житии, блаженне отче, и по кончине твоей возсиял еси, просвещая вся концы земли. Ныне честныя мощи твоя источают множество чудес и исцелений всем с верою и любовию притекающим к тебе. Посему и мы, яко теплому о нас представителю и чудотворцу, вопием ти:

Радуйся, милосердия источниче неоскудевающий.

Радуйся, кладезю чудес неисчерпаемый.

Радуйся, образе кротости благолепный.

Радуйся, молитвенниче наш неусыпный

Радуйся, девством прехвальным украшенный.

Радуйся, чудотворче, ангелами воспеваемый.

Радуйся, источниче благодати нам являемый.

Радуйся, сердца любовию насыщающий.

Радуйся, отче наш Иоанне, теплый молитвенниче и предивный чудотворче.

Кондак 12

Благодать спасительную и велие представительство твое пред Богом ведуще, молим тя, старче праведный, молися за ны, недостойныя, ко Всемилостивому Спасу, да управит Церковь Свою Святую от расколов и ересей, и весь сею от бед и напастей сохранит, да прославим Бога, воспевая Ему: Аллилуя.

Икос 12

Поюще твоё дивное прославление, величаем тя,
святый праведный Иоанне исповедниче, поклоняем-
ся многоцелебным мощем твоим, ублажаем святую
память твою, вемы тя, яко щит и ограждение наше
от супостат и молитвенника многомощна пред Престолом Господним. Сего ради с любовию восклица-
ем ти сице:

Радуйся, веси нашей похвало и утверждение.

Радуйся, земли Российской украшение.

Радуйся, православным крепкое заступление.

Радуйся, страждущим скорое исцеление.

Радуйся, скорбящим благонадежное утешение.

Радуйся, просящим неоскудеваемое вспоможе-
ние.

Радуйся, непоколебимая наша надежда на спасе-
ние.

Радуйся, нерушимое наше ограждение.

Радуйся, отче наш Иоанне, теплый молитвенниче
и предивный чудотворче.

Кондак 13

О, великий угодниче Христов и предивный испо-
ведниче, отче наш Иоанне, помощниче скорый всем,
в нуждех и болезнех к тебе притекающим! Приими
от нас, недостойных, с верою и любовию возноси-
мое тебе хвалебное пение. Огради нас молитвами
твоими от враг видимых и невидимых, да прославим

дивнаго во святых Своих Бога, явившаго нам в тебе велию милость, победную песнь воспевающим: Аллилуя.

Сей кондак глаголи трижды. И паки чтется 1-й икос: Равноангельнагс жития: И паки 1-й кондак: Избранный угодниче:

Молитва первая.

О, всеблаженне Иоанне чудотворче, человече Божий и верный рабе Господень! Ты еси праведник, яко финикс процветый, насажденный во дворех Господа Бога, присно многоразличный благодатию Божией чудеса источаяй. О, всечестная главо, угодниче Божий, святе праведне Иоанне, от рождения своего на служение Богу призванный, научи и нас всем сердцем, всею душою, всем разумением и всем житием своим Богу служити и Ему одному угодждати. Ты еси, иже девство и житие нескверное сохранивый, научи и нас, во многих грехах сплетенных, целомудрию и чистых соблюди от всякаго греха. Ты еси, иже в незлобии и терпении исповедничеством просиявый, помози нам в терпении и смиренномудрии верными Богу быти даже до скончания века, и якоже обещался еси, буди о нас и державе Российстей ходатай пред Богом, Ему же со Единородным Его Сыном и Всесвятым и Благим и Животворящим Духом слава, честь и поклонение подобает, ныне и присно, и во веки веков. Аминь.

Молитва вторая.

Святый праведный отче наш Иоанне! Молим тя: помогай нам, грешным рабом Божиим (имярек), твоими молитвами во всех скорбех, болезнех, нуждех и обстояніих наших, сохраняй нас и святый град сей (обитель сию) от всякаго зла и всякия напасти, напаче же споспешствуй вечному спасению нашему. Ей, смиренно молим тя, угодниче Божий Иоанне: моли Христа Бога нашего, да отвратит от нас всякий гнев, на ны движимый, да избавит нас от сетей вражиих, томления во узах греха и мучений адовых, и да сподобит нас, недостойных, одесную Себе стати на Суде Своем праведнем и внути в вечный покой святых Его; идже празднующих глас непрестанный и неизреченная сладость зрящих доброту лица Его: и тако возможем с тобою и всеми святыми прославляти Отца и Сына и Святаго Духа, Троицу Единосущную и Нераздельную, во веки веков. Аминь.

Молитва третия.

О, святый новоявленный угодниче Божий Иоанне Оленевский! Подвигом добрым подвизался еси на земли, восприял еси на небесех венец правды, еже уготовал есть Господь всем любящим Его. Темже взирающе на святый твой образ (и поклоняся всечестным мощам твоим), радуемся о преславнем скончании жительства твоего и чтим святую память твою. Ты же, предстояй Престолу Божию, приими

моления наша, рабов Божиих (имярек), и ко Всемилостивому Богу принеси, о еже простити нам всякое прегрешение и помошь нам стати противу козней диавольских, да избавльшеся от скорбей, болезней, бед и напастей и всякаго зла, благочестно и праведно поживем в нынешнем веце и сподобимся предстательством твоим, аще и недостойни есмы, видети благая на земли живых, славяще Единаго во Святых Своих славимаго Бога, Отца и Сына и Святаго Духа, ныне и во веки веков. Аминь.

ТРОПАРЬ **Глас 4**

Земли Русския молитвенниче, / жизни во Христе и покаяния проповедниче. / От юности в трудех и постех образ быв добродетели. / В годину тяжкую тесноту и лишения от безбожных властей претерпел еси. / Ко всем страждущим, отче праведнее Иоанне, / сердце Твое распростерл еси. // Поспеши и ныне в помошь нам, всем сердцем чтущим Тя.

КОНДАК **Глас 2**


Днесь земля Пензенская прославляет Иоанна праведного, / в лице новомучеников и исповедников Российских просиявшаго. / Егоже молитвами, Христе Боже, // спаси верныя люди Твоя.

Величание

Величаем Тя, святый праведный отче наш Иоанне и чтем святую память Твою, Ты бо молиши о нас Христа Бога нашего.

Молитва

О, дивный и кроткий угодниче Божий и теплый молитвенниче отче наш Иоанне! Ты измлада Господа возлюбивый, неустанно в храме пребывая, в посте и молитве тайной во всех бедах души людские укрепляя и утешая, Бога благодарил еси. Тем же и Дух Святый изволи твоима устнами волю Божию глаголати истинную и благую всем приходящим к тебе. Тако ныне нас притекающих к святым твоим и многоцелебным мощам не остави сирых и страждущих в житии сем твоим предстательством пред престолом Господа сил. Да твоим молитвенным ходатайством укрепляеми в веце сем, сподобимся вечные небесныя обители, идже вкупе с тобою и со всеми святыми да прославим Пречестное и великолепное Имя Единосущныя Троицы, Отца и Сына и Святаго Духа. Аминь.



У батюшки был свой родник, как у Серaphima Саровского, под горкой, над прудом. В 2010 году почитатели вновь очистили источник, поставили дубовый сруб, часовенку и освятили. А 3 ноября 2013 года была освящена и купальня на святом источнике Иоанна Оленевского.